

اداره خانه

باب عالی جاده سنده دائره مخصوصه

آبونه شرائطی

ممالک عثمانیه ده سنه لکی (۶۵) ، التي
آیلغی (۴۵) غروشدر. ممالک اجنبیه ده
سنه لکی (۱۷) ، آلتی آیلغی (۹) فرانقدر.
[ایضاحات : نسخہ سی الی پاره ، آلتی
آیلغی بر جلد ، هر جلد ۲۶ نسخہ در.]

افطارات

§ آبونه بدلی پشیندر.
§ آدرس تبدیلنده قرق پاره لک
پول کوندرملی در .
§ مسلکه موافق آثار مع المصنویه
قبول اولنور . درج ایدیلمه یازیلار
اعاده اولونماز .

سراسر

۱۳۳۰

دینی ، علمی ، ادبی ، سیاسی هفته لک مجموعه اسلامیه در

عدد ۲۵۰

۲۱ رجب شریف ۱۳۳۱

پنجشنبه

۱۳ حزیران ۱۳۲۹

جلد ۱۰

خلفای نبی عباسه مقرر خلافت و سلطنت وظیفه سنی کورن بوسواد اعظم بوکون هندستانک (کراچی) شهری قدر معمور دکدر .

بغداد - بصره آره سنده سیروسفرایدن کوچوک واپورلر اوچ شرکت تاعدر . برنجیسی اداره نهریه درکه اون واپوره مالکدر؛ بونک انجی بشی، آلتیسی سیروسفر ایتمکده و دیکرلری امن و آسایشی تأمین وادامه مقصدیله حکومت طرفندن اوتوده بریده استخدام ایلمکدهدر . ایکنجیسی (لنج) قومپانیه سی درکه، درت واپورله سکز دویه مالکدر . اوچنجیسی بصره عثمانلی تجارندن آغا جعفر قومپانیه سیدرکه، بونک بر واپوری واردر .

واپورلرک ایکی طرفنه برر دویه باغلانوب، ایچنه بونک وسائره وضع ایدلیر: واپورله دویه لرک اوزقون کورونیشی، ایکی یاوروسنی قوجاغنه آلمش بروالده به بکزه بور . بغداددن ایرلدن صوکره شطک هر ایکی طرفنده سیره ک سیره ک ذراعت و تارالاره تصادف ایدلیر . اراضی امیره هپ بوش وچول حالنده قالمش کیتمشدر . حالبرکه اراضی مذکوره اهالی به صاتیلسه و یاخود طاپوسندیله تمیک ایلسه آرزمان صوکره بغدادک وارداتی سنوی ایکی اوچ میلین لیرابی بولور . بورالده نهر بئشمز . بره زبیلاده، اسرقده، یمنده، آفریقاده یتیشن آمار و اشجار، بقول و نباتاتک جمله سی بومبارک طور افنده یتشه بیلیر . اشجارک، اوزمانلرک تکثیر بلده پک آرزمان ایچریسنده حرارت هواثیه تسکین اولنه بیلیر . ذراعت تعمیم ایتمکجه، چولده کی بدات، مدینته منقلب اولور . هر رده، خصوصیه بغداددن بصره به قدر امتداد ایدن شطک هر ایکی جهتنده بر برینه ملاصق اولق شرطیله کوزل و لطیف کویله، چفتلرک تاسیس ایلدن صوکره، آروجه ده هر کویده برر مکتب، جامع، پوسته و تلفراف اداره خانه سی، وعظ و خطابت سالونی - که بونک تاسیسی پک الزمدر . واعظله، خطیبلر، اوقات مینه داخلنده کویلیری بورایه دعوت ایدرک، کندیلرینه، اینی تلمیحاتده بولنوب، هم حکومته قارشو اطاعتله مکلف اولدولرینی، همده وظائف روزمره واجتماعیه لرینه تعلق ایدن دینی مسائلی کندیلرینه، اکلا به بیله جگری برلسان ایله بیان ایلدیلر - انشا اولمسی مقتضیدر . برده هر کویده برژاندارمه قره غولکده یاپدیرلمسی اهم مسائلدندر . بو قره غولخانه لده مقدار کافی ژاندارمه دائمی صورتده بولور و کویک امن و آسایشنه تعلق ایدن وظائفه اشتغال ایدر . مذکور قره غولخانه لده برده تلفون آلتی قونیلورسه انضباطی دهها مکمل و سریع بر صورتده تأمین ایدر .

بغدادک ایکی اوچ ساعت اولنه سنده واقع اولان (سلمان پاک) موقعنده بر اثر تصادف و خوش بختی اولق اوزره واپورمز طور دی . ایران و ساسانیان طبقه سنک پادشاهلرندن اولان (نوشیروان) عادل وقتیه بوراسنی مقرر حکومت اتخاذا ایتمشیدی . بو پادشاهک اک بو بونک آتارندن اولان طاق الیوم بیقیق و مهمتم بر حالده کلوب کچنک نظر دقتارینی جلب ایدیور . طاقک یاریسی طوپراق التنده کومیلی اولدیفنی حالده الآن یردن اولان رفیعی اللی مترونی متجاوزدر . بو طاق وقتیه نوشیروان ایچون ایلم رسمیه ده قبول و معایده سالونی وظیفه سنی کورریوردی . دیوارلری کلا بالدیزی و ایرانه مخصوص اولان اک اسکی و بارمه چینیلرله قابلی اولدیفنی اورویا تاریخاری یازیور . بو سالون بش بیک کیشی یی قوللا - یقله استیعاب ایدر . عادی طاشدن بو - مرتفع برقه - طاق - دیرکزه، اسطوا - نهر - انشا ایتمک اوزمانه مخصوص شیلر دندرکه . فی یومنا هنا بویله بر اثر صنعت بو طرزده میدانه کتیر یله مز .

ایران شعرای مشهوره سندن (خاقانی) وقتیه بو طاقک اوکندن کچرکن اوزون نصیحت آمیز، مؤثر برقصیده بی انشاد و تلاوت ایلمشدرکه آتیده کی یتلری مذکور قصیده دن اقتباس ایدیورم :

هان ! ای دل عبرت بین، از دیده نظر کن هن !
ایوان مداین را آینه عبرت دان !
دندانه هر قصری بندی دهدت بونو،
پندسردنانه بشنوزسرددن !
مبارکه ددیم این رفت ستم برما ،
بر قصر ستمکاران یارب چه رسد خذلان ؟ !

دکدر . سمیک ، فعالیتک مشوقی در . استقبال ، هر فردک ، هر ملتک ؛ سرمایه مشترکیدر ؛ فقط :

ان الارض یرتها عبادی الصالحون

کچنلردن باب عالی جاده سندن اینرکن بر محب نکته دانه راست کلام ؛ تعاطی سلامی متعاقب :

— دهاشمس الدین بکک کتابی او قویامادم ، کندینه سویله . فقط بو کونلرده آناتولی به کیدیورم ؛ یعنی ظلمتدن نوره چیقیورم . اونک کتابی ده چیقارکن یوله او قویه جفم .
— پک ائی تمیل ایندیکنز !

بو محاوره ؛ « ظلمتدن نوره » نک بالخاصه کنج قارئلری ایچین دفته شایان کورولمیلیر .

ای معشر منورین ، کنج لیر ، اختیارلر ؛ آسیاده کی ملکمز ، آناتولومز ، عربستانمز بزم امین اللریمزی بکله یور !

عبداللطیف نوزاد

مسار بورنی .

مکاتیب

هنرستانه مجار مخصوصه

هند بولنده

۲۶

بغدادده عماره

مایک دیدینه تصادف ایدن بازار ایتسی کونی اداره نهریه نک (بغداد) واپوریه صباحین ارکن بغداددن آیلدق . بغدادک (صافه) و (کرخ) منظره لری آرزق بوغاز ایچنه بکزه بور . هر ایکی طرفی بر برینه ربطایدن کویری او قدرهفته ، فرسوده ، قانسور، ایکنرنج برشیدرکه . انسان صراط کورریسندن قولایقله کچرده بونک اوزرندن کچمک ایسته مز . بو عجیب الهیکل کویری، سنه بسنه التزامه وریایر ، بیکارجه لیرابلدیه و واردات تأمین ایتدیکی حالده ، الآن یرینه بر ائی کویری برلشیدرکه اهمام ایلدیلور ؛ کوریدن (کراره) موقعنه قدر اولان مسافه عادتاً بغداد (بوسفور) ی اطلاقنه شایسته در .

شط کنارنده کی کوزل قصرلر ، شاتولر ، کوشکلر باغ و باغچه لر بو اقلیمک سعادت آتیه سنی ناظرینه برلسان حال ایله تفهیم واران ایدیور .
بغدا . اعمار و تزین ایلسه ، نه بودا پشته به ، نه هامبورغه ، نه ریسته به ، نه ده اسکندریه به بکزر . احتمالک هپسنه تفوق ایده جکدر .

ماضی پر احتشامک بقایا و انقاصندن اولان (نظامیه) مدرسه سی الیوم بغداد ایچون رسومات دائرهمسی وظیفه سنی کورریور .

شانلی عنعناته ، دبدبلی بر تاریخه و قیله مالک اولان بغداد بزم کبی مسکین و تیلرک الله دوشه لیدن برو عمران و تزیننه اصلا اهمیت ویرامشز . عمارات و مبانی امیره نامنه هر نه که کوزه چاریورسه ، جمله سی مرحوم مدحت پاشا زماننده پایلان شیلردر .

پورسی (طیفسون) نایله اوروپا و ایران مؤرخلری طرفندن دخی یاد ایدلشدر .
 بو ایوانی (کسری) نو شیروانک انشا ایلدیکنی بر چوق تاریخلر قید ایدیورسده ، بعض مؤرخین آرمذ کورک حضرت عیسان بش یوز سنه اول ایران شاهلری طرفندن وجوده کتیرلدیکنی بیان ائتمکده در .
 فخر عالم افندمنز (نو شیروان) زمانده دنیا به کلدیکی جهته بو عالی پادشاهک وجودیله افتخار ایدرک ، (ولدت فی زمن الملک العادل) بو یورمشلردر .
 وتیاه ایران امرر عسکر به منی تنظیم وتذییق ایدن نو شیروان ایرانی محقق بر انقراضدن قورتارمش و مملکتی آنارشیه سوق ایدن مزده کیلری ده قتل عام ایتک صورتیله مفسد تلیته خاتمه چکه شددر . بوراسنک سلمان پاک تسمیه اولندینه کانجه یته وقتیله حضرت حیدر کرار افندمنزک زمان خلافتنده طرف عالیردن (سلمان فارس) - که پیغمبر افندمنز (سلمان منا اهل البیت) بو یورمق صورتیله کندیسسی مظهر تلطف و معجید بو یورمشلردر . - بوریه ، عرقه والی و عامل اوق اوزره کوندلرش و اول زمان نسق و فجور ، شقاوت و بغاوت خطه عراقیه بی باشدن باشه قابلام نیکن زمدت ظرفنده سلمان فارسی حضرتلری امنیت و آیشی ادامه ایدوب اشقیاله حدلری طانتدیرمشیدی .
 مشارالیه حضرتلری بو نقطه ده وفات ایتدیکی ایچون بو ایسی نایله خلق طرفندن نوسیم ایدلشدر . حقیقه کندیسنک بوراده کی مزار عالیسی بالجه اهالی و عابرین طرفندن بر زیارتگاه آنخا اولمشدر . مشارالیهک زمان ولا بتنده ایسه بوراسنه (مداین) دخی اطلاق اولنیوردی . بورادن واپورمز حرکت ایدوب عزیزیه ، بقیله ، کوت ، شیخ سعد ، علی العربی قضا و نواحیلری اوکنده ، آرزوقف ایتکدن صوکره کیجه وقتی بزی عماریه کتیردی . بن ایسه هم عماره بی کوره بیلمک ، همه متصرفی منفا رفیق اولان حسن سری بکی زیارت و سلاملامق ایچون قره به چیقدم .

س . م . توفیق

عاره :

آناطولی سبار مجار محصور سردر :

دارالخلافة دن بروسه یه

۱۶ مایس ۳۲۹ پنجشنبه کونی صباحی ساعت اونده حرکت ایدن واپور بعدالزوال اوچده مدانیه اسکاه سنه بزی ایصال ایلدی . اوکون دکزک عصبی بر کونی ایدی ؛ مرمره پک لطیف اولان ایتساملرینی اوکون بزدن اسیرکده دی . بش ساعت اونک اختلاجلرینی سیر ایتمه یه ، قلبنک فورانلرینی دیکه مه یه مجبور اولدق . اسکاه یه چیقدیم زمان او ، حالا بحر انلر ایچنده چالقانیور ، قیورانیوردی . بن شیمدی آناطولینک رحیم و شفقتنار آغوش سا کتانه سنه قاووشمش ، ارتیق اونک پیزانس ساحلرینه چاربان ، چارپدقجه قیریلان ، جریحه لانان قلبنی دیکه مه یه و قتم یوقندی .
 آناطولی ... آه ، اونه قلب رحیم ا اونه مادر مشفق ا انسان او شفقتده کی صمیمیت و حرارتی انجق اونک زمین قوللری آره سنده حس ایده بیلیر . او قدر ماتیمه . قاردشک [۱] افول حزینندن متولد کدریله ، اوکسوز لکیله برابر یه ضبط حسیات ایدرک کولمک ایسته یور ، آغوش رفق ورقتنه صیغینان اولادلرینه انشراحلر ، امیدلر بخش ایتمه یه اوغرا- شیور . بو ، نه بو یوکلک .. بو ، نه وفا کارلق در ا

[۱] روم ایلینک

مسرف قارداشی اونک النده کنی ، آووچنده کنی طوبولایوب صداقتسنز ، وفاسز چو جقلرینه ، اونلرک نفاق و شقاق ایله بیقیلان آشیانلرینک ترصین و تزیننه بذل ایتدیکی حالده ، بوکون ینه اونک سقوطیله دلخون ، بوکون ینه اونک ماتیمه تالم نمون در . قرداشنی دیب دیری مزاره کومن حمیتسنز ، اخلاقسنز ، وفاسز ، صداقتسنز چو جقلرینه هیچ بر سرزنشده بولونمایه رق ینه اونلره روی قبول کوسترمک ، بلکه بر آرز فضلہ صفوت ، فضلہ عاطفتدر ؛ فقط شیمدی یوردلری پریشان اوله رق سوقاقده قالان بوملجاسزلر ایچون سرزنش صره سی دکلدر . بوتون وطنلرینی اللریله بیقازلر ، بیقدقلری خانه پدرک ابقاضیله یکی آشیان استقلال (۱) قورمه چالیشانلر اوتانسون . . .
 فقط بن قومسار تپانده اناطولی یه نقل مأموریت ایدن وطنلرینی بیقان بو « اریکیشیلر » دن بر یولداشمزک یوزنده علامت حجاب کوره میوردم . ذاتاً کورمک ایچون آراشدیرمق ده ایسته میوردم . چونکه بو حسسزک پیش مفکرده مده بوتون او ماضی فحیی جانلاندیره حق ، بو محیط صافدهده بینمی آزه جک ، قلبی متأثر ایده جک ایدی . مرحباندن ، بر آرز قونوشدقدن صوکره باشمی پنجره یه چه یردم ؛ شیمدی نظرم پر خضارت باغر ، باغچه لردن شطارتلر طوبولایه رق محزون کولک تسلیت نثار اولمق ایسته یوردی .

شطارت ... دیدم ؛ فقط او ، وطنی دوشون بر مسلمان ایچون نصیب اولورشی می ؟ بزی او زمردین بایرلر آره سنده اوچوران تره نی مسلمانلر یاپمش اولسه لردی ، بلکه بنم ده قلم بر حس افتخارله شاطر اوله بیلردی . یوقسه کندی مملکتده اجنینک همیله یورومه یه مجبور اولورکن روح بدایع طبیعه دن ناصیل ذوقیاب اولور ؛
 بر قاج ساعت صوکره کشیش طاغنک ا تکنه صیغینان اسکی پانتختمزه واصل اولدق ، بزمله برابر بر چوق روم ایلی هجر تزدلری ده تره دن ایندی . سلطان عثمانک روحی قارشومزده تجسم ایتش ، بر غضب بزه خطاب ایدیوردی :

— سز ، ای مسکین احفاد ا دهرک اک مدهش روز کارلریله صار صیلماز بنیان سلطنتمزی غچرداندیکیز . بز بورادن یوله چیقدیغمز زمان سزک بیکده ، یوز بیکده بریکز قدر بیله عددمز یوق ایدی . فقط قبللمزده دین و وطن عشقندن باشقه برشی یر بوله مازدی . سزک ایسه عددکوز میلیونره بالغ اولمش ایکن اخلاقسزلق ، نفاق و شقاق یوزندن چورچوب قدر اهیستکوز اولمادی . دشمنی پانتختمزک تا قابوسنه قدر کتیردیکیز . باکر مرمره مزی دشمنک مردار آیاقلریله تلویث ایتدیکیز . یاز یقار اولسون سزک کی جانلی مزار طاشلرینه ! ... یاز یقار اولسون سزک کی غیرتسنز ، حمیتسنز احفاده ! ...

هر کس باشنی اوکنه اکش ، هکبه سنی او موزینه آلمش ، یوله روان اولمش ایدی . بنمده بوتویجه قارشو سویلیه جک سوزم ، کوستره جک یوزم یوق ایدی .
 یتش بیک کیشی بی آغوش هر مدیده سنه آلان قوجه پانتخت قدیم ! لطفکار ایتش ! یکی هجر تزدلر مسافرلرینی ده رد ایتده دی .

عمر فراد

روسه